

本國學基  
叢書

水

經

注

（代）鄺道元著

本國  
叢學  
書基

水

經  
注

商  
務  
印  
書  
館

本書係用萬有文庫版本  
印行原裝分訂六冊每冊  
面數各自起訖今合訂一  
冊面數仍舊讀者諒之

國學基本叢書

水 經 注

酈道元著

---

商 務 印 書 館 出 版

北京東總布胡同10號

(北京市書刊出版業營業許可證出字第107號)

新 華 書 店 總 經 售

商 務 印 書 館 上 海 廠 印 刷

統一書號 12017·4

---

1933年5月初版

1953年5月重印第1版

1953年5月上海第1次印刷

印張22 6/16 插頁4

開本 787×1092 1/32

字數 393,000

印數 1—2,000

定價(10) 3.00

## 重版說明

過去，我館爲了解決讀者選讀古籍的困難，曾編輯「國學基本叢書」一套，按經、史、子、集四部的順序，分哲學、文學、史地、科技、藝術等類，選擇較好的通行本，加標句讀，並採用簡便的版式，便于翻讀檢查，先後共出版了三百餘種。

目前，隨着社會主義文化建設的發展，文化遺產也日益受到人們的重視，木板書和舊排印本，在數量上已不能滿足當前的需要；因此，許多讀者反映，希望我們重印這套書。現就已出的三百餘種中，選擇需要較切的古籍約一百種，仍用原叢書名，陸續重印出版。付印前，根據底本，或參照善本通校一次，改正文字和句讀的脫誤；個別的書籍並補充了一部分材料，利用原紙型重印，供給讀者對基本古籍的迫切需要。

今後，並擬將合于本叢書性質的古籍，陸續輯入，使它成爲一套比較完整，便于檢閱的古籍彙刊。關於選目問題，歡迎讀者提供意見，以便參考，使這套書更能適合廣大讀者的需要。

商務印書館 一九五七年十月

# 酈道元水經注原序

序曰。易稱天以一生水。故氣微於北方。而爲物之先也。玄中記曰。天下之多者水也。浮天載地。高下無所不至。萬物無所不潤。及其氣流屆石。精薄膚寸。不崇朝而澤合。靈宇者。神莫與並矣。是以達者不能測其淵冲。而盡其鴻深也。昔大禹記著山海。周而不備。地理誌其所錄。簡而不周。尙書本紀與職方俱略。都賦所述。裁不宜意。水經雖粗綴津緒。又闕旁通。所謂各言其志。而罕能備其宣導者矣。今尋圖訪蹟者。極聆州域之說。而涉土遊方者。寡能達其津照。縱髣髴前聞。不能不猶深屏營也。余少無尋山之趣。長違問津之性。識絕深經。道淪要博。進無訪一知二之機。退無觀隅三反之慧。獨學無聞。古人傷其孤陋。捐喪辭書。達士嗟其面牆。默室求深。閉舟問遠。故亦難矣。然毫管闕天。歷筭時昭。飲河酌海。從性斯畢。竊以多暇。空傾歲月。輒述水經。布廣前文。大傳曰。大川相間。小川相屬。東歸於海。脈其支流之吐納。診其沿路之所躔。訪瀆搜渠。緝而綴之。經有謬誤者。考以附正文。所不載。非經水常源者。不在記注之限。但蘇古芒昧。華戎代襲。郭邑空傾。川流戕改。殊名異目。世乃不同。川渠隱顯。書圖自負。或亂流而攝詭號。或直絕而生通稱。枉渚交奇。洄湍決瀆。躔絡枝煩。條貫系夥。十二經通。尙或難言。輕流細漾。固難辯究。正可自獻逕見之心。備陳輿徒之說。其所不知。蓋闕如也。所以撰證本經。附其枝要者。庶備忘誤之私。求其尋省之易。

# 水經注目錄

## 第一册

卷一 河水

卷二 河水

卷三 河水

卷四 河水

卷五 河水

## 第二册

卷六 汾水

卷七 濟水

卷八 濟水

卷九 清水

卷十 濁漳水

澮水 涑水 涑水 文水 原公水 洞過水 晉水 湛水

沁水 淇水 蕩水 洹水

清漳水

一  
一六  
三九  
五五  
七六  
一  
一三  
三七  
五六  
八三

卷十一 易水 滌水.....一〇三

第三册

卷十二 聖水 巨馬水.....一

卷十三 灤水.....七

卷十四 濕餘水 沽河 鮑丘水 濡水 大遼水 小遼水 沮水.....二五

卷十五 洛水 伊水 灋水 澗水.....四四

卷十六 穀水 甘水 漆水 澆水 沮水.....六四

卷十七 渭水.....八六

卷十八 渭水.....九八

卷十九 渭水.....一〇二

第四册

卷二十 漾水 丹水.....一

卷二十一 汝水.....一三

卷二十二 潁水 洧水 潁水 滑水 渠.....二六

卷二十三 陰溝水 汲水 獲水……………五四

卷二十四 睢水 瓠子河 汶水……………六九

卷二十五 泗水 沂水 洙水……………九〇

第五册

卷二十六 沭水 巨洋水 淄水 汶水 濰水 膠水……………一

卷二十七 沔水……………二四

卷二十八 沔水……………三四

卷二十九 沔水 潛水 湍水 均水 粉水 白水 比水……………五〇

卷三十 淮水……………六四

卷三十一 澧水 涪水 灑水 濯水 瀕水 灑水 澗水……………八〇

卷三十二 澧水 蘄水 決水 泚水 泄水 肥水 施水 沮水 漳水 夏水 羌水……………九六

澧水 梓潼水 涪水……………九六

第六册

卷三十三 江水……………一



卷三十四 江水……………一六

卷三十五 江水……………二六

卷三十六 青衣水 桓水 若水 沫水 延江水 存水 温水……………三八

卷三十七 淹水 葉榆河 夷水 油水 澧水 沅水 浪水……………五八

卷三十八 資水 漣水 湘水 灘水 漆水……………七八

卷三十九 滙水 深水 鍾水 耒水 洙水 澠水 瀏水 潁水 贛水 廬江水九四

卷四十 漸江水 斤江水 江以南至日南郡二十水 禹貢山水澤地所在……………一〇九

臣等謹案水經注四十卷。後魏酈道元撰。道元字善長。范陽人。官至御史中尉。自晉以來。注水經者。凡二家。郭璞注三卷。杜佑作通典時猶見之。今惟道元所注存。崇文總目稱其中已佚五卷。故元和郡縣志。太平寰宇記。所引滹沱水。涇水。洛水。皆不見於今書。然今書仍作四十卷。疑後人分析以足原數也。是書自明以來。絕無善本。惟朱謀埠所校。盛行於世。而舛謬亦復相仍。今以永樂大典所引。各按水名逐條參校。非惟字句之訛。層出疊見。其中脫簡。有自數十字至四百餘字者。其道元自序一篇。諸本皆佚。亦惟永樂大典僅存。蓋當時所據。猶屬宋槧善本也。謹排比原文。與近本鈎稽校勘。凡補其闕漏者。二千一百二十八字。刪其妄增者。一千四百四十八字。正其臆改者。三千七百一十

五字神明煥然。頓還舊觀。三四百年之疑竇。一旦曠若發蒙。是皆我皇上稽古右文。經籍道盛。瑯嬛宛委之祕。響然並臻。遂使前代遺編。幸逢昌運。發其光於蠹簡之中。若有神物攜呵。以待聖朝而出者。是亦曠世之一遇矣。至於經文注語。諸本率多混淆。今考驗舊文。得其端緒。凡水道所經之地。經則云過。注則云逕。經則統舉都會。注則兼及繁碎地名。凡一水之名。經則首句標明。後不重舉。注則文多旁涉。必重舉其名。以更端。凡書內郡縣。經則但舉當時之名。注則兼考故城之迹。皆尋其義例。一一釐定。各以案語附於下方。至塞外羣流。江南諸派。道元足跡。皆所未經。故於灤河之正源。三藏水之次序。白檀要陽之建置。俱不免附會乖錯。甚至以浙江妄合姚江。尤爲傳聞失實。自我皇上命使履視。盡得其脈絡曲折之詳。御製熱河考灤源考證諸篇。爲之抉摘舛謬。條分縷擘。足永訂千秋耳食沿訛。謹錄弁簡端。永昭定論。又水經作者。唐書題曰桑欽。然班固嘗引欽說。與此經文異。道元注亦引欽所作地理志。不曰水經。觀其涪水條中。稱廣漢已爲廣魏。則決非漢時。鍾水條中。稱晉寧。仍曰魏寧。則未及晉代。推尋文句。大抵三國時人。今旣得道元原序。知並無桑欽之文。則據以削去舊題。亦庶幾闕疑之義爾。乾隆三十九年十月恭校上。

總纂官侍讀臣紀昀 侍讀臣陸錫熊 纂修官舉人臣戴震

# 水經注

## 卷一

河水案二字原本誤連經文今改正近刻河  
水下有一二等字乃明人臆加今刪去

崑崙墟在西北

三成爲崑崙丘崑崙說曰崑崙之山三級下曰樊桐一名板桐案桐近刻二曰玄圃一名閭風上曰層

城案層近刻一作增一名天庭是爲太帝之居

去嵩高五萬里地之中也

禹本紀與此同高誘稱河出崑山伏流地中萬三千里禹導而通之出積石山按山海經自崑崙至積

石千七百四十里案近刻千上有一字自積石出隴西郡至洛準地志可五千餘里又按穆天子傳天子自崑山

案近刻作崑崙山入于宗周乃里西土之數自宗周灋水以西案近刻作以西北衍北字至于河宗之邦陽紆之山三千有

四百里自陽紆西至河首四千里合七千四百里外國圖又云從大晉國正西七萬里得崑崙之墟諸

仙居之數說不同道阻且長經記緜緜案近刻訛作緜緜水陸路殊徑復不同淺見末聞非所詳究不能不

聊述聞見以誌差違也

其高萬一千里。

山海經稱方八百里。高萬仞。郭景純以爲自上二千五百餘里。淮南子稱高萬一千里。百一十四步三

尺六寸。案三尺近刻。訛作二尺。

河水

春秋說題辭曰。河之爲言荷也。荷精分布。懷陰引度也。釋名曰。河下也。隨地下處而通流也。考異郵曰。河者。水之氣。四瀆之精也。所以流化。元命苞曰。五行始焉。萬物之所由生。元氣之腴液也。管子曰。水者。地之血氣。如筋脈之通流者。案近刻。脫如字。故曰。水具財也。案具上近刻。有其字衍。五害之屬。案近刻。脫此四字。水最爲大。案近刻。水上有而字衍。水有大小。有遠近。水出山而流入海者。命曰經水。引沓水入于大水及海者。命曰枝水。出于地溝。流于大水及于海者。又命曰川水也。莊子曰。秋水時至。百川灌河。經流之大。孝經援神契曰。河者。水之伯。上應天漢。新論曰。四瀆之源。河最高而長。從高注下。水流激峻。故其流急。徐幹齊都賦曰。川瀆則洪洋洋。發源崑崙。九流分逝。案逝近刻。訛作遊。北朝滄淵。驚波沛厲。浮沫揚奔。案浮近刻。訛作望。風俗通曰。江河淮濟爲四瀆。案近刻。河字在淮字下。瀆。通也。所以通中國。垢濁白虎通曰。其德著大。故稱瀆。釋名曰。瀆。獨也。各獨出其所而入海。

出其東北陬。

山海經曰崑崙墟在西北。河水出其東北隅。爾雅曰：河出崑崙墟。案近刻脫此五字。色黃。物理論曰：河色黃者，衆川之流，蓋濁之也。案此十六字當是注內之小注，故雜在里一曲一直矣。漢大司馬張仲議曰：案漢書大司馬史長安張戎師古曰：新論云：字仲功，此脫史字。功字。河水濁，清澄一石水，六斗泥，而民競引河溉田，令河不通利。案今近刻訛作今。至三月，桃花水至，則河決，以其噎不洩也。禁民勿復引河，是黃河兼濁河之名矣。述征記曰：盟津河津恆濁，方江爲狹，比淮濟爲闊。寒則冰厚數丈，冰始合，車馬不敢過，要須狐行。云此物善聽，冰下無水，乃過。人見狐行，方渡。余按風俗通云：里語稱狐欲渡河，無如尾何。且狐性多疑，故俗有狐疑之說，亦未必一如緣生之言也。

屈從其東南流，入勃海。案入下近刻有于字。

山海經曰：南卽從極之淵也。一曰中極之淵，深三百仞。惟馮夷都焉。括地圖曰：馮夷，恒乘雲車，駕二龍。案此十三字當亦是注內之小注，故雜在所引山海經之間。河水又出于陽紆陵門之山，而注于馮逸之山。穆天子傳曰：天子西征，至陽紆之山，河伯馮夷之所都居，是惟河宗氏。天子乃沈珪璧禮焉。河伯乃與天子披圖視典，以觀天子之寶器。玉果、璇珠、燭銀、金膏等物，皆河圖所載。河伯以禮，穆王視圖，方乃導以西邁矣。粵在伏羲受龍馬圖于河，八卦是也。故命歷序曰：河圖帝王之階。圖載江河山川州界之分野。後堯壇于河，受龍圖。作握河記。逮虞舜夏商，咸亦受焉。李尤盟津銘：洋洋河水，朝宗于海，徑自中州。龍圖所在，淮南子曰：昔

禹治洪水具禱陽紆蓋于此也高誘以為陽紆秦藪非也釋氏西域記曰阿耨達太山其上有大淵水

宮殿樓觀甚大焉山即崑崙山也穆天子傳曰天子升于崑崙觀黃帝之宮而封豐隆之葬案近刻作

豐隆之葬豐隆雷公也黃帝宮案此三字近刻即阿耨達宮也其山出六大水山西有大水名新頭河郭義

恭廣志曰甘水也在西域之東名曰新陶水山在天竺國西水甘故曰甘水有石鹽白如水精大段則

破而用之案大段朱謀埠云當作火煨非康泰曰安息月氏天竺至伽那調御皆仰此鹽釋法顯曰度蔥嶺已入北天

竺境于此順嶺西南行十五日其道艱阻崖岸險絕其山惟石壁立千仞臨之目眩欲進則投足無所

下有水名新頭河昔人有鑿石通路施倚梯者凡度七百梯度已案近刻訛作凡躡懸絙過河兩岸

相去咸八十步九譯所絕漢之張騫甘英皆不至也余證諸史傳即所謂屬賓之境有盤石之墜道狹

尺餘行者騎步相持絙橋相引二十許里案漢書今本作二千餘里千字誤當以此為正方到懸度阻險危害不可勝言郭義

恭曰烏耗之西有懸度之國山溪不通引繩而度故國得其名也其人山居佃于石壁間累石為室民

接手而飲所謂援飲也有白草案近刻訛作白羊原小步馬有驢無牛是其懸度乎釋法顯又言度河

便到烏長國案長近刻烏長國即是北天竺佛所到國也佛遺足跡于此其跡長短在人心念至今猶爾

及曬衣石尚在新頭河又西南流屈而東南流逕中天竺國兩岸平地有國名毗荼佛法興盛又逕蒲

那般河案近刻河邊左右有二十僧伽藍此水逕摩頭羅國案逕字下近刻而下合新頭河自河以西

天竺諸國。自是以南。皆爲中國。人民殷富。中國者。服食與中國同。故名之爲中國也。泥洹已來。聖衆所行。威儀法則。相承不絕。自新頭河至南天竺國。迄于南海。四萬里也。案近刻四下有五字釋氏西域記曰。新頭河經罽賓。越摩訶刺諸國。而入南海是也。案詞近刻訛作河阿耨達山西南。有水名遙奴。山西南小東。有水名薩罕。小東有水名恆伽。此三水同出一山。俱入恆水。康泰扶南傳曰。恆水之源。乃極西北出崑崙山中。有五大源。諸水分流。皆由此五大源。枝扈黎大江。出山西北流。東南注大海。枝扈黎。卽恆水也。故釋氏西域記有恆曲之目。恆北有四國。最西頭恆曲中者是也。有拘夷那揭國。案揭近刻作竭下同法顯傳曰。恆水東南流。逕拘夷那揭國南城北。雙樹間有希連禪河。河邊世尊于此北首般泥洹。舍利處。支僧載外國事曰。佛泥洹後。天人以新白縹裹佛。以香花供養。滿七日。盛以金棺。送出王宮。度一小水。水名醯蘭那。去王宮可三里許。在宮北。以旃檀木爲薪。天人各以火燒薪。薪了不燃。大迦葉從流沙還。不勝悲號。感動天地。從是之後。他薪不燒而自燃也。王斂舍利。用金作斗量。得八斛四斗。諸國王天龍神王各得少許。齋還本國。以造佛寺。阿育王起浮屠于佛泥洹處。雙樹及塔。今無復有也。此樹名娑羅樹。案娑羅近刻訛作婆其樹花名娑羅佉也。案佉近刻訛作法此花色白如霜雪。香無比也。竺枝扶南記曰。案枝原本訛作芝林楊國去金陳國。步道二千里。車馬行。無水道。舉國事佛。有一道人命過燒葬。燒之數千束樵。故坐火中。乃更著石室中。從來六十餘年。尸如故不朽。竺枝目見之。案目近刻訛作自夫金剛常住。是明永存。舍利剎見。案剎近刻訛作利

畢天不朽。所謂智空罔窮。大覺難測者矣。其水亂流。注于恆。案近刻脫注字。恆水又東。逕毗舍利城北。案利近刻脫作

離釋氏西域記曰。毗舍利。維邪離國也。支僧載外國事曰。維邪離國。去王舍城五十由旬。案十近刻城訛作千。

周圓三由旬。維詰家在大城裏宮之南。去宮七里許。屋宇壞盡。惟見處所爾。釋法顯云。城北有大林重

閣。佛住於此。本奄婆羅女家。施佛起塔也。案奄近刻作菴。城之西北三里。塔名放弓仗。恆水上流有一國。國王

小夫人。案近刻作有一生肉胎。大夫入妒之。言汝之生。不祥之徵。即盛以木函。擲恆水中。下流有國王

遊觀。見水上木函。開看。見千小兒。端正殊好。案好近刻作特。王取養之。遂長大。甚勇健。所往征伐。無不摧服。案服

近刻作伏。次欲伐父王。本國王。大愁憂。小夫人問何故愁憂。王曰。彼國王有千子。勇健無比。欲來伐吾國。是

以愁爾。小夫人言勿愁。但于城西作高樓。案西近刻作東。賊來時。上我置樓上。案此五字近刻作置我樓上四字。則我能卻之。

王如是言。賊到。小夫人于樓上語賊云。汝是我子。何故反作逆事。賊曰。汝是何人。云是我母。小夫人曰。

汝等若不信者。盡張口仰向。小夫人即以兩手捋乳。案捋近刻作將。乳作五百道。俱墜千子口中。賊知是母。即

放弓仗。父母作是思惟。案父母近刻作二父王。皆得辟支佛。今其塔猶在。案其近刻作二。後世尊成道。告諸弟子。是吾昔

時放弓仗處。後人得知。于此處立塔。故以名焉。千小兒者。即賢劫千佛也。釋氏西域記曰。恆曲中。次東

有僧迦扇柰揭城。案近刻僧訛作申。又城下衍也字。佛下三道寶階國也。案近刻脫道字。法顯傳曰。恆水東南流。逕僧迦施國

南。佛自忉利天。東下三道寶階。為母說法處。寶階既沒。阿育王子寶階處作塔。後作石柱。柱上作師子



像。外道少信。師子爲吼。怖效心誠。案近刻作怖懼心伏。恆水又東。逕屬賓饒夷城。城南接恆水。案近刻作饒夷城。

之西北六七里。恆水北岸。佛爲諸弟子說法處。恆水又東南。逕沙祇國北。出沙祇城南門。道東佛嚼楊

枝刺土中。生長七尺。不增不減。今猶尙在。恆水又東南。逕迦維羅衛城北。故淨王宮也。案故下近刻符曰字。城東

五十里有王園。園有池水。夫人入池洗浴。出北岸二十步。案出下近刻有池字。東向舉手扳樹。生太子。案扳下近刻

太子墮地。行七步。二龍吐水浴太子。遂成井池。衆僧所汲養也。太子與難陀等。撲象角力。射箭入地。今

有泉水。行旅所資飲也。釋氏西域記曰。城北三里。恆水上。父王迎佛處。作浮圖。作父抱佛像。案父近刻

外國事曰。迦維羅越國。案羅衛羅越。互相通稱。今無復王也。城池荒穢。惟有空處。有優婆塞。姓釋。可二十餘家。是

昔淨王之苗裔。故爲四姓。住在故城中。爲優婆塞。故尙精進。猶有古風。彼日浮圖壞盡。條王彌更脩治

一浮圖。私訶條王送物助成。案送近刻。訶作送。今有十二道人住其中。太子始生時。妙后所扳樹。樹名須訶。案

刻脫阿育王以青石作后扳生太子像。昔樹無復有。後諸沙門取昔樹栽種之。展轉相承。到今樹枝如

昔。尙蔭石像。又太子見行七步足跡。今日文理見存。阿育王以青石挾足跡兩邊。復以一長青石覆上。

國人今日恆以香花供養。尙見足七形。文理分明。今雖有石覆無異。或人復以數重吉貝。重覆貼著石

上。逾更明也。案吉貝近刻。詛作古貝。太子生時。以龍王夾太子左右吐水。浴太子。見一龍吐水煖。一龍吐水冷。遂

成二池。今尙一冷一煖矣。太子未出家前十日。出往王田闍浮樹下坐。樹神以七寶奉太子。太子不受。